

晉等飢民時繁霜殺菽

駙馬都尉廣平侯袁容卒容鳳陽人尚永安公主靖難時永平城守功封追贈沂國公謚忠穆

庚寅設筠連縣三岔巡檢司高縣江口巡檢司珙縣洞門巡檢司各戍八十人備叙州蠻

癸巳召陽武侯薛祿還京

甲子定儀賓班次從三品序同等官工

乙未定文武大臣錄囚詐枉者五十六人命覈上

丙申巡視浙江大理寺卿胡縶械海鹽縣盜王康等三百餘

人至京


丁酉勅行在錦衣衛指揮任啟右叅政葉春御史賴瑛同太監劉瑛往常鎮蘇松嘉湖巡視軍民利病勅胡縶協力

設遷曰永宣之間稱承平矣而吳氏乃頑悖屢干刑書何也如胡縶械大盜三百人入京所遣護當不下^千二人頗繁

費當日顧安之重懲奸惡雖津遣不恤日者胡縶葉春並事而又兼用此數人其視此一方^{民不}曾孤鬼馬葉春產

海鹽威行鄉曲略無避忌亦強特能自主者與

庚子廣西忻城等縣峒賊譚元等平



丙午亦力把里八頁 夜大星赤光起外屏行至濁

丁未行在江西道監察御史定海陳憲卒于獄憲 進士


任御史歷劾江西湖廣莊重得大體 公當草南昌之供


億三司逮吉安千戶臧清之稔惡尤其著者同官偶引憲下

刑部事且白待命施禮署部事不肅臧清夜竊往憲所捶詬

竟忿死時皆咎禮 上深惜憲而厭禮矣

是年^月中軍都督府都督同知陳輔卒





國家圖書館, NATIONAL CENTRAL LIBRARY, TAIWAN, R.O.C.

監官設遷孺木著

宣德四年巳酉

正月戊申朔南京地震

聽邊將自置私記關防


勅南京左副都御史邵玘考察御史及諸司

薛祿護運開平并增戍獨石等

十七衛歲辦新炭

賚從征諸臣銀鈔

國權 宣德四年



鈔法壅增兩京蘇松等門鈔

許衍聖公孔彥縉市書福建

戊辰役軍民十二萬人浚山東濟寧北舊河百二十餘里

已巳 上居齋宮諭翰林學士楊溥曰滄海之大江河助之

古君臣更相戒飭所以致理稱良也輔德陳過卿勉之母諛

諭吏部速除內外各官

勅行在法司令雜犯死罪以下得贖米

二月丁丑朔賑高邑縣飢


戊寅隆平侯張信太監沐敬浚河西務河築隄益京軍萬五

千人

中軍左都督馬聚卒聚武定人從靖難累功有胆力信直追
封邵陽伯謚壯勇妾陳氏自經以殉贈淑人子維留守中衛
指揮使

庚辰夜大星光青白出軫行入庫樓

辛巳左軍右都督冀傑卒傑東安人起行伍靖內難至今官
屢從征伐性直無飾高煦之反列侯或持兩端言其善用兵
傑曰彼詐而無胆不足滅也竟如其言追封清源伯謚忠壯
妾王氏自經以殉贈淑人子斌彭城衛指揮使



壬子逮鎮守廣西龍州都指揮僉事張貴剝軍激變

夜大星赤光出軫行入庫樓

癸未皇妹冊清河公主封李銘駙馬都尉

太保師英國公張輔行在左軍左都督張昇輟府事給全祿

勅專左右

夜大星赤光出天市西垣行入天心

甲申遣鳳翔官往鳳翔荆建昌韶安陸鄭襄荆淮梁五郎作

乙酉南京地震

丁亥行在工部右侍郎還羅汝敬還自京交趾黎利附使貢

方物并代身金人具奏陳氏子孫寶已盡所喪吏士兵氣家

屬悉回成山侯師還之矣臣利有女九歲于亂兵中失之乃

知為中官馬騏進充宮婢 陛下幸旣以赦臣罪歸此女臣

仰德萬死無二

復監察御史何文淵為戶科給事中李中清軍陝西

已丑南京守備襄城伯李隆獻騶虞二出滁之來安石固山

素質黑文馴甚群臣請賀不許


庚寅免漢陽逋租除平谷縣逃賦

壬辰夜月食

國權

宣德四年

三



甲午定陝西寧夏諸衛納贖例

乙未徙郢靖王宮妃居南京勅太監王景弘等月給免各省文書差誤之罪

申屯田比較舊制

昏刺大星光青白出東井行至雲中


丁酉勅法司曰五刑之屬三千罪莫大于不孝有蒸父妾收兄弟妻者送京師治之武臣及子弟犯者失職毋襲著為令交趾按察副使海蓋戈定遠以御史遷交趾滿考道梗致仕戊戌夜北京地震

辛丑太子太保忠勇王金忠進太保清平伯吳成進封侯都督李玉封新建伯祿八百石並賜誥券

壬寅鞏昌知府孫亶昌黎知縣楊禧文水縣丞徐文襄垣主簿喬育俱秩滿者民詣闕乞留任從之各加俸一級

南京左副都御史邵玘考斥御史沈善劉統王懋蕭全鄭道寧楊昭蕭昇曾泉木訥王恭樂鳳潘綱陶圭戶部郎中黃玘等八十九人

癸卯前漢府教授海寧曹彥昌憂去以高煦敗服闋不起吏部檄促之始至欲罪其同逆上以先去置之弟服闋不起



謫廣東高要縣典史

乙巳瓜哇國入貢

禁濫給驛騎

三月丁未朔建州衛都指揮僉事李滿住求入朝宿衛諭止之

夜大星光青白燭地起張宿行至游氣中

戊申皇妹冊真定公主封王誼駙馬都尉

太師英國公張輔特進為光祿大夫左柱國成國公朱勇為

兼太子太傅

朵顏等衛頭目完者帖木兒等來朝貢馬上宥其前罪家

屬被獲者悉還之陞完者帖木兒為都指揮同知餘有差

逮福建都指揮僉事洪貴等以倭寇攻鎮海衛殺掠

夜大星青白光出貫索行至雲中

辛亥中軍都督僉事孫忠封會昌伯祿一千石

壬子免四川茶戶徭役

前浙江永康縣丞歐陽齊言縣山產銅礦宜開採 上斥之

丁巳召陽武侯薛祿等還京師


壬戌都督祁英郭義提督牧馬

免前北京行部侍郎金庠官庠清軍受清豐知縣梁鐘私賂

國權

宣德四年

五



癸亥昏刻熒惑犯靈臺

甲子贈陝西都指揮使王倣妾時氏淑人謚貞烈倣備禦寧夏戰死時氏自經以殉

乙丑命少師吏部尚書蹇義少保戶部尚書夏原吉同諸大臣議諸司建言事宜

戊辰昏刻熒惑犯太微垣上將

己巳大星光青白燭地起市樓南行入雲中

癸酉夜有大星赤光燭地出織女一小星隨之行入天津

甲戌行在禮部右侍郎李琦鴻臚寺卿徐永達行人張聰等

賈勅再訪陳氏子孫送還中國器械人口


四月丙子朔寧王權奏宣德元年八月江西布政使檄謂太

祖高皇帝子孫以祿米定品級臣不勝惶懼祖訓所載祿米蓋親、次序無有品級不意自今世始云、上書報之曰

郡王廢子以下品級載于祖訓錄靖江府將軍與群下相見之禮載于洪武二十九年欽定禮儀此皆太祖高皇帝所

制非一朝一夕也 太宗皇帝以鎮國將軍等品級與歲祿

不相應遂加鎮國將軍從一品輔國將軍從二品奉國將軍從三品鎮國中尉從四品輔國中尉從五品奉國中尉從六



品行之已二十有八年何以宣德元年八月事至今始廢也
已卯上虞李志道坐罪戍楚雄衛死孫宗侃舉于鄉衛責其
補伍事聞除軍籍 上曰朕方砥士何急于一卒之用乎
庚辰京師慶壽寺僧人請募脩萬安寺不許
辛巳廣西總兵官都督山雲討平柳州潯州等府盜寇
甲申釋方政穆肅獄降政左軍都督僉事 肅原都指揮僉事
代州訓導曹萬奏學不堪師願試劇職改泰和典史候會試
乙酉行在右軍都督高成致仕
行在兵部尚書張本薦北部行部員外郎徐琦人材陳攷命

改琦職方員外郎攷職方主事

丙戌行在翰林院檢討胡種為脩撰進士張佑賈銓李運劉
海為行在給事中

丁亥禁山東臨清諸閘不時輕泄


行在吏部左侍郎兼少詹事郭璉為吏部尚書除兼秩

戊子議減漕運寬民力遣行在工部尚書黃福同平江伯陳

瑄經略黃福兼督淮北河南山東屯田

己丑進士王懋其兄御史罪死以極刑家屬例禁 上曰當

皇祖時進士某以刑家子錄用柰何錮之遂授 州判官



辛卯許犯贓官吏運磚後文還民籍武調衛毋槩仍職役從
御史王翺等之言

癸巳召太子太師致仕郭資赴京掌戶部

少師隆平侯張信年高免朝謁

丙申命在外文武官歸所給官馬洪熙初給覲官馬寄牧雖
止之已有給者

昏刺熒惑犯右執法

丁酉薦鱗魚奉先殿分嘗大學士楊士奇楊榮金幼孜並賜
酒製詩命士奇等和上曰今日君臣當以卷阿相勗

戊戌行在工科給事王中李庸為順天府尹仍兼工科

昏刺熒惑犯右執法

庚子夜南京地震暎如之

辛丑夜大星赤光起天市東垣行至陣車

五月丙午朔昏刺有大星赤光燭地出輦道行入天津

丁未亦力把里捨伯沙來歸居京師授所鎮撫


夜大星青白光出北落師門旁行至雲中

巳酉永清縣蝗

壬子袁禎嗣廣平侯袁容之子

國權 宣德三年

八



哈密貢使都指揮使把台為都督僉事餘有差

上親決大理寺所上各獄囚釋輕罪二千二百餘人

謫行在監察御史楊居正司鐸牟倫雷恭胡暉潘舉等皆貪淫不律玷辱官箴同嚴暄等至是復命自辨命戍遼東

癸丑禮行在禮部尚書胡儼兼詹事府詹事

甲寅河南按察使僉事趙純先以御史按山東受賂娶妾在赦前當納贖 上以憲職削其籍

丙辰經理山海至薊州屯田

丁巳四川安岳縣教諭何澄上十事重兵制擇守令慎財用

興學校選耆老均賦稅防奸弊清吏役肅禮儀平獄訟下禮部擇行之

戊午命脩長沙谷庶人舊邸以居襄王罷營衢州

辛酉府軍前衛都指揮同知陳敬王或為中軍都督僉事


甲子定民間詞訟允原告逃者即放遣被告人

乙丑行在工部尚書吳中請修代州圓果寺不從

己巳諭行在六部都察院止促辦科買

辛未榜禁倉場攬納偷盜

壬申勅勞遼東總兵官都督僉事巫凱以敗于山西功



勅監司守令曰吏不得人受賕縱奸民之不平求伸于布政
按察二司及巡按御史二司御史又多非是枉直或禁斃之
所以赴闕競眾而京師繁刑夫國家宜民之道宜使有罪不
逃誅無罪不遭抑今小民越訴京師不恤死也何以設官為
其易心滌過鋟奸植良毋使豪右肆虐朝廷受怨名于下
中軍都督府經歷彭遠為江南淮安知府進士李安歐陽洙
張楷劉士昌等為南京監察御史復趙次進太僕寺卿
作典謨詩示廷臣

是月成安縣大雨漳溢二河溢傷稼命築塞之免田租

六月戊寅貴州庠生附試雲南增科舉五人

初貴州省附湖廣鄉試遠甚附雲南


巳卯夜大星赤光起天廩行至濁
辛巳復山東管河布政司官

乙酉右軍都督僉事吳守義卒守義初名把敦杭海山人永
樂初自涼州來歸賜姓名官涼州衛指揮同知從北征膽力
敢戰累有功卒追封西和伯謚僖順

丁亥順天大興縣真元觀女冠求給度牒不許還其家

戊子夜五色雲見

壬辰太子太師致仕郭資至京攝戶部憫其老惟朝朔望




癸巳命開平衛千戶楊洪以二百騎專巡檄
河南開封知府劉進犯贓赦罪後又不法謫為吏
甲午定天下文官犯贓者依律科斷不准贖追誥勅
昏刺大星赤光出營室入建星
丁酉冠赤城縣開平衛指揮方敏遠屯赤城追敗之
戊戌周府羅山王有燬薨年二十一謚悼惠七子妃張氏自
經謚貞烈

昏刺大星光黃赤出自紫微東蕃行入勾陳
已亥犯開平獨石殺鎮撫張信百戶盧讓

庚子陽武侯薛祿為鎮朔大將軍總兵官武進伯朱冕為叅
將護餉開平

行在戶部議江南民糧舊貯淮安徐州臨清倉令軍轉運北
京後改民自北運遠甚宜江西湖廣浙江民運百五十萬石
貯淮安蘇松寧國池廬安慶廣德民運二百五十萬石貯徐
州應天鳳陽太平淮安常揚滁和徐民運百五十萬石貯臨
清北畿山東河南民俱運京倉上從之增徐州倉二十四
萬石臨清倉七十餘萬石

定官軍有罪內衛調邊外衛調極衛其雜犯依例降調一等



辛丑行在兵部右侍郎曹本降為山西右叅政以浙催徵浙江求索非法

浙江按察使僉事王鉉憂居受金脫人死獄特削其籍

壬寅昏刻大星赤光出北斗魁流入亢又大星光青白起自參旗行至近濁

是月定塌房等項納鈔例

癸卯通州涿州霸州東安武清良鄉等處蝗命御史督捕

七月丁未置驛馬勘合

戊申遣兵部科道閱實京軍

已酉行在兵部請流保靖宣慰司流官土宣慰絕命擇土酋

治事

庚戌錦衣衛帶俸百戶黃勝告老請其子為代議以工藝特

恩不許

壬子行在戶部上戶口登耗之數

甲寅琉球國中山王入貢

丙辰廣東進白馬二


己未翰林侍讀錢習禮脩撰劉永清主試應天

河決直隸獻縣

國權

宣德四年

十三



上幸文淵閣與楊士奇楊榮論經史咨政務并召諸學士及史官諭盡心史學賜鈔有差

辛酉右軍右都督高成卒成金州衛人起騎士預靖難功予祭葬追封營山伯謚武毅

夜大星光黃白出羽林軍行至近濁

癸亥管隊指揮張三擅收王榮李舟為將軍帶刀上直下錦衣衛獄鞫之

故御史嚴暄謫遼東衛吏逃入京下詔獄

乙丑封行在左軍都督僉事金順義伯右軍都督僉事滕

定奉化伯並祿八百石

夜月掩昴


丙寅行在戶部郎中蕭翔等刑部郎中金忠劉伯塤戶部員外郎張觀日妓飲廢事皆下獄除名

昏刻大星色青赤流東北三丈餘分為二又有一星隨之至西北没

丁卯夜大星光青赤起輦道行至斗

覆京軍置籍防欺隱也仍令總督計多寡均額

宣府守神銃內官王冠送海壽醉止田舍偵殺之并殺千



戶陳諒等因戒各邊境內官毋得輕出蓋內官恣肆總兵官不能制

己巳占城國入貢

故都督冀傑子斌襲彭城衛指揮使命襲任能治事即注衛否則支俸操練

庚午觀劉獄上論死宥之子輻成遼東令觀隨住觀諳刀筆敢斷第墨聲久著至是人快之


設遷曰觀洪武末守浙江嘉興尊賢重士脩學政興利除害有通白金祈獄者為斷其手事見嘉興志總憲之日謂

曲庇嘉興人所受黃白金動千數羅綺不可勝計何先潔而後緇也政急于宦成小人干進往飾一節以為名高迨意得志盈奸態備露或位未極敗未著觀特其尤者耳辛未鄭王襄王荆王淮王梁王各加祿歲萬石向三千石嚴遜軍之罪

壬申江西布政使右叅政史怡為應天府尹順天府尹郭良降為山東右叅政

指揮曹泰鎮守河南彰德

甲戌遣御史治遼東將軍失機之罪



八月丙子行在工部右侍郎羅汝敬左僉都御史李濬大理寺
右少卿傅啟讓鴻臚寺右寺丞焦循郎中趙新胡添祺劉澤
貞外郎張鑑吳傑等往蘇松浙江江西湖廣督運初設各處
鈔關

丁丑鄭王瞻垞之國鳳翔瞻塹襄王之國長沙荆王瞻垞之
國建昌淮王瞻垞之國韶州梁王瞻垞之國安陸

已卯增築山西偏頭關并墩

太常寺卿兼翰林院侍讀學士楊溥喪母歸予祭奠

辛巳瓜哇入貢

命翰林院侍讀學士王直翰林院侍讀李時勉主順天鄉試

議浙江海鹽縣輸京馬草十二萬束折糧

癸未增勾軍例二十二則

乙酉全椒教諭杜琮寧陽訓導孫純黃州訓導李縉大理訓


導趙本南安知縣張鑑進士林英曹南陳質達旺劉濱劉敬

俱為行在監察御史

太監楊慶等率神機營銃卒往薊州永平山海同都督陳景

先備戒毋偏執

已丑宣府前衛指揮章容私遣二卒採木被殺命治其罪



潛山知縣俞益言國初元旦等節外官禮賀俱舞蹈行十四拜後來唯進表行之節日露祝九拜乞舊仍其舊從之

庚寅故兵部尚書陳洽贈少保謚節愍子樞官刑科給事中

乙未河南右布政使蕭省身卒省身江西泰和縣人永樂初

官廉介所至民甚愛之在河南寬恤能容人過至身失不自宥也人以其多之年五十無疾卒

昏刻大星光青白出尾入羽林軍

丙申禁文武官妓飲廢事

丁酉夜大星光青白起天苑行至濁

戊戌遣給事中楊萬武達王瑩張居傑往山東河南山西順

天清軍萬人赴京上直

己亥昏刻大星光青白出五車行至濁

庚子行在翰林院侍講高穀光祿寺丞陶琛服闋並復官

昏刻大星光出貫索行文餘發光流入濁


九月丙午勅諭海西野人女直時數寇邊

辛亥令平陽王濟熺立平陽家廟祭晉王恭王

遣將出塞燒荒舊于初冬今改命賜勅

夜大星赤光出紫微東蕃行至北斗魁

壬子重陽節宴文武群臣于午門三品以上及學士加賜御



製詩一章

癸丑夜大星赤光出南河行至濁

甲寅放南北監生曠老者二百五十三人

乙卯復王黼洋縣知縣加俸從六品以邑民乞留也

令天下儒學生兼習書算從北京國子監助教王仙之言

免山東東昌濟南高唐平原夏津陵邑今年旱傷田租

丙辰昏刺熒惑犯天江

丁巳免萬泉縣旱災田租

己未夜大星青白光燭地起北河行至東井

壬戌申明各處栽種桑棗之令

癸亥宥鎮遠侯顧興祖罪

甲子夜大星光青白起天倉行至雲中

丙寅夜有大星光青白起參行至狼星

丁卯勅朝鮮國王李禔曰王間者薦其遠誠海青鷹犬不以

寶苑園遣使來獻使還荅王陶器十五几王國誠多怪獸珍

禽然非朕所畜幸自今已之


戊辰勅脩嘉興陸贄祠湖州胡瑗書院蘇州范仲淹祠魏了

翁書院

國權

宣德四年

十七



己巳昏刺大星赤光出南斗杓二小星隨之行至北落師門
夜大青光青白起北落師門行至濁

癸酉夜有大星赤光照地起自卷舌行入華蓋

十月甲戌朔夜有大星黃赤光燭地起自太五車行至文昌

乙亥封徽燭為江川王徽燭為廣通王徽燭為陽宗王

申明舊制禁約老人犯者送巡按御史及按察司究門

夜大星光青白出牽牛行至濁

丙子復命都督劉昭守河州史昭守西寧

賞捕倭功時倭攻江南海門衛城千戶徐忠出拒敗之

夜大星青白光燭地出外屏行至羽林軍

丁丑申禁府部公務聽在外官管理不得輒擬奏御史

戊寅江南常州府同知張宗璉卒璉字重器江西吉水縣人

甲申進士以翰林院庶吉士遷刑部主事 先帝擢左中允


上進大理寺丞改常州同知愛民如子御史李立清軍苛甚

璉每爭之不受忿死部民歸其喪至數千人祠于江陰縣

庚辰 上御文淵閣與楊士奇楊榮金幼孜學士楊溥曾榮

王直王英侍讀李時勉侍講陳循等閱典籍咨時政久之賜

酒饌及于纂脩官已作詩賜楊士奇等裕閣宏開當異隅充



棟之積皆圖書仙家蓬山此其處上與東壁星相符罷朝間
暇一臨視衣服冠左右環文儒瓊瑤鏘々清响振寶鼎馥々
香烟敷維時日上扶桑初始看瞳矐鈎綺疏忽已繁爛明金
鋪從容燕坐披典謨大經大法古所訓講論啟沃良足娛朝
廷治化重文教旦暮切磋安可無諸儒志績漢仲舒豈直文
采凌相如玉醴滿賜黃金壺勗哉及時相勵翼輔德當與夔
龍俱庶几致治希唐虞
夜大星光青白出斗北杓行至濁


壬午宣府總兵官都督譚廣言上入寇守關千戶蘇斌不能

禦臣親追敗之宜正斌罪 上罰斌俸兩月

丙戌 上出猗蘭標示大臣蘭生幽谷兮擘々其芳賢人在
野兮其道則光嗟蘭之茂兮衆草為伍於乎賢人兮汝其予
輔

戊子朝罷幸文淵閣共論古帝王及祖宗時事 上甚悅編
賜鈔

夜大星青白起羽林軍行至濁又大星赤光出文昌行至濁
庚寅行在禮部尚書華蓋殿大學士張瑛改南京禮部尚書
仍兼官行在戶部尚書兼謹身殿大學士陳山專授內監書



辛卯命朝鮮止貢土物勿用金銀器朝使至王國中飲食之足矣毋有所遺與

甲午 上閱武郊外發京師豐城侯李賢太子太師郭資兵部尚書張本都察院右都御史顧佐居守宿順義縣召太師英國公張輔扈從

乙未獵峪口

丙申仍獵夜大星光青白出后星旁行至濁

丁酉還順義

戊戌至京師

辛丑聞冠古北口命陽武侯薛祿前往已退不果行

夜大星光青白出五車行至濁

十一月癸卯勅陽武侯薛祿恭順侯吳克忠出宣府塞外巡哨

乙巳夜大星光青白出勾陳行至濁

丁未恒大星赤天出樞行至濁

己酉復陳真揚州知府耿寬鳳翔府同知王通許州判官張庸保安知縣莫魯休寧縣丞皆任滿其民乞留各加級增俸


庚戌應天府尹蘄州薛均致仕

南京地震

國權

宣德四年

二十



辛亥夜大星青白光出畢行至游氣

壬子皇太子千秋節下令寬恤

丙辰增中外諸閘疏湖塘淤塞

丙寅和寧王阿魯台求馬市許之

夜月犯角

丁卯慮朝覲官由陸惠盜遣御史張政白圭唐琛同錦衣衛

官沿途巡捕

己巳賑安徽黟縣飢民

庚午賑浙江於潛臨安等縣除內黃水災田租

曉刻月犯天江南星

十二月甲戌山東泰安州稅課局大使郝智奏言中官採天麻

野味虐民妨農乞檄有司採進命所遣人悉召還戒其後遣

乙亥北京地震

丙子廣東南海人華發請開番禺縣銀礦不許

丁丑始給京官柴薪

庚寅南京地震


壬午夜大星光青白起弧矢行至孫星有一小星隨之

癸未有建言稍改舊制上不聽

國權

宣德四年

三



甲申行在戶部左侍郎李昶專督通州等倉

丙戌慶成王濟炫薨年四十六謚莊惠

戊子工部司務秦獻萊州教授高超常州訓導張昶濟陽訓導張璘武康訓導姚璧俱為行在監察御史進士郭瑾姚銑李原縉龔全安葉穎鄧崙為給事中

己丑蠲鳳陽順天保定河間真定大名永平廣平水災逋租十七萬四千九百五十餘石


庚寅秦王志潔被訐奏辭三護衛上書慰之留其一
壬辰初命內官亦失哈等率吏卒往奴兒干作舡松花江以


煩擾報寢

行在兵科給事中李蕃巡關上五事曰布花先給曰時脩衣甲曰禁出捕獵曰就近支糧曰停入貢迎送上從之


戊戌右軍都督僉事嚴宣卒宣本遼陽胡人初名火里歹改名氏襲新安衛千戶累功陞賜祭

辛丑夜大星赤光起平星至軫炸散





國家圖書館, NATIONAL CENTRAL LIBRARY, TAIWAN, R.O.C.



Inches 1 2 3 4 5 6 7 8
Centimetres 1 2 3 4 5 6 7 8 9 10 11 12 13 14 15 16 17 18 19


TIFFEN Color Control Patches

© The Tiffen Company, 2007

Blue	Cyan	Green	Yellow	Red	Magenta	White	3/Color	Black
------	------	-------	--------	-----	---------	-------	---------	-------




國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.








國家圖書館, NATIONAL CENTRAL LIBRARY, TAIWAN, R.O.C.




國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.



Inches 1 2 3 4 5 6 7 8
Centimetres 1 2 3 4 5 6 7 8 9 10 11 12 13 14 15 16 17 18 19


TIFFEN Color Control Patches

© The Tiffen Company, 2007

Blue	Cyan	Green	Yellow	Red	Magenta	White	3/Color	Black
[Blue patch]	[Cyan patch]	[Green patch]	[Yellow patch]	[Red patch]	[Magenta patch]	[White patch]	[3/Color patch]	[Black patch]

3393397 v.14

國家圖書館, NATIONAL CENTRAL LIBRARY, TAIWAN, R.O.C.





國權

宣德五年庚戌

正月壬寅朔大觀受朝賀

戊申山東棲霞縣太平寺僧人明本等游成山衛詐稱為轉
輪大王並作偽詔竟稱湧安元年招誘又登縣人械妖黨入
京下錦衣獄

泰寧侯陳忠卒忠

人從靖難敢戰累功卒例祭葬賜贈

上以忠崇飲止予祭

國權


宣德五年

一



藍官設遷孺木著

國家圖書館, NATIONAL CENTRAL LIBRARY, TAIWAN, R.O.C.



已酉大雪作喜雪歌

辛夷昏刺月犯五車

壬子南京地震

癸丑 上南郊

乙卯南京都察院左都副御史邵玘卒玘浙江蘭谿縣人永

樂丙戌進士授監察御史歷按江西廣東浙江福建等處望

風振肅進江西按察使司憂去起福建遷南臺奉命簡點御

史部曹凡一切奏言利弊時政悉稱旨性最孝好負氣治獄

少恕年五十六予祭葬

丙辰元夕大宴群臣

辛酉南京地震

壬戌進 文皇帝仁宗昭皇帝實錄

黃省曾曰聞之長光 高廟實錄一百八十餘卷學士解

公輩掌之 文廟實錄一百三十卷大學士二楊諸公掌

之脩 高廟時列傳之記注有金匱之鈇券以是一時鷹

揚之佐制作之臣咸得軒 磊 與神功俊德並耀而無


闕沒至于脩 文廟時列傳不知當柄之臣何故抹殺其

事每載一人不過述其姓名科甲轉歷歸老如由狀然中

國權

宣德五年

二




間略見其為人若何而已雖有殊功顯謨竭力社稷抗法
萬世一切不錄皆隨飄風春葉以漸減焉爾噫造備之人
亦不仁矣哉自是歷朝以來遵習為法善者為大褒惡者
無深敗而勸懲之意已矣

癸亥和寧王阿魯台入貢

實錄恩賚監脩官英國公張輔少師蹇義少保夏原吉總裁
官少傅楊士奇太子少傅楊榮太子少保金幼孜太常寺卿
楊溥各金百幣六織金羅衣一襲馬一副總裁官尚書陳書
張瑛金六十幣五織金羅衣一襲纂脩兼考較官左右春坊


大學士兼行在翰林院侍讀侍講學士曾榮王英右春坊右
庶子兼行在翰林院侍讀學士王直左春坊左諭德兼行在
翰林院侍讀周述行在翰林院侍讀李時勉錢習禮侍講余
學夔陳循蔣驥各金五十幣四素羅衣一襲纂脩官侍講蔭
從善脩撰苗衷曾鶴齡張洪劉永清編脩周叙孫曰恭楊敬
檢討王雅楊翥五經博士陳繼戶部主事陳中行在四川道
御史陳叔剛福建右叅議潘文奎榮昌知縣萬節衢州教授
邱錫漢陰教諭梁萼各金四十幣三素羅衣同纂脩官行在
禮部主事張習謄寫官行官禮部郎中朱暉成景莪行在吏



部郎中程南雲員外郎宣嗣宗夏衡行在中書舍人俞宗大
陸友仁蕭湘羅淵張益各金二十五幣二素羅衣同上騰寫
副本官行在中書舍人宋琰黃振宗于霈凌壽胡鵲劉鉉胡
宜衡解楨期行在大理寺右寺副邱宗楊珪各金二十衣幣
同上續騰寫副本官行在吏部主事蘇鎰行在中書舍人周
崇厚各金十五幣一衣全上騰稿及稽考叅對官行在翰林
院脩撰邢寬蔣禮胡種編修劉矩裴綸陳詢梁禔檢討許彬
連智馬信周貴孔目沈寅行在中書舍人王璜寇厚胡宗蘊
龐叙行在禮部郎中黃養正主事黃觀行在大理寺左右寺

副洪益中邵暹各金十五衣幣同上收掌文籍官行在翰林
院檢校討讓典籍李錫牛麟張禮各金十衣幣同上時禮部
尚書張瑛蒞南部檢討周翰卒陳景茂龐叙胡宗蘊陳詢梁
禮皆事去例得賜

甲子行在吏部奏選官退 上因論官制曰唐虞建官唯百
夏商官倍秦漢以下繁甚何也侍臣曰時有不同 上曰唐
虞三代其時其時簡淳至唐太宗定內外官七百三十員去
古未遠可法侍臣曰君心靜則事簡事簡則官省官省則民
安矣 上曰然清心者省事之本




丙寅宴寶錄預事諸臣于中府

雲南永昌千戶所千夫長刀不浪班等就撫

郡縣官貪汚者成邊二十五人老病鄙猥五十五人並削籍
四川總兵官左都督陳懷奏蜀郫忽聲砲察之蓋四川都司
私遺者 上責都司官

戊辰少保兼太子少傅戶部尚書夏原吉卒原吉字維詰湘
陰人少孤力學舉于鄉入太學授戶部主事部事曹務叢脞
迎刃而解久之起右侍郎建文初充採訪使巡福建永樂初
拜左侍郎逾月進尚書治水江南恤役賑飢採木運北京營

建又南北征代治餉在部纖悉明備上問天下錢穀之數具
對不失升勺駕北征兼掌行在六部都察院大理寺寺曰朕
以房玄齡委卿每退朝抱案盈庭口手應判犁然就理 上
嘗曰夏原吉今周公也後 上又北征言餉乏見忤收繫之
先帝甫即位首釋原吉咨以事宜眷顧優禮 上初平漢庶
人原吉決之也時蹇義簡重善謀楊榮明達有為楊士奇博
古守正而原吉含弘善斷事涉人才則多從義事涉軍旅則
多從榮事涉禮儀制度則多從士奇事涉民社則出原吉可
否相資中外泰寧而諸臣難量推原吉第一及卒 上輟朝




涕流贈特進光祿大夫太師謚忠靖子祭葬子瑄廕尚寶司
丞復其家

邱濬曰昔人之論大臣以德量氣節學術才能四者並言
謂非兼是要不足以當輔弼之任公歷事四朝始終凡五
十年專掌國計其間雖或兼他官釐別務未始一日離計
相之任也當內難始定之時多事紛紜國無乏絕民有蓋
藏非明于學術優于才能者其能如是乎且一時大臣中
稱有德量以公為第一公其無媿古人所稱大臣者哉
袁表曰北都初建庶務皆草創大者如宮殿諸司封建征

討財用^計四出而夏公從容經畫沛乎有餘天下宴然民不知
有誅斂之擾力役之征節縮浮冗以資計度寬無濫筭密
無苛求其大學所謂生財有大道者乎留守北京坐縮八
印叢脞紛錯迎刃而解贊襄帷幃無非謹謨薦賢引士
不啻已出謀斷兼資才德並優世稱蹇夏實媿美云

鄧元錫曰天之佑人國也必有敦龐壽俊之臣焉斷之焉
篤醇措天下于乂康夏忠靖當國時功莫社稷澤被蒸民
乃如山如河更險夷一節也茹納調劑與蹇忠定同功故
是時天下稱大臣曰蹇義夏原吉或以沉默為蹇尚書病



然矯亢為名高者去治象逾遠矣


何喬遠曰管仲晏子不死其君仲尼無譏焉孟子不願管
晏然而不罪湯武也明興二百餘年三楊胡解蹇夏之勞
能爛然于紀載矣而君子猶有不死其君之譏浮沉居位
又有不免訾者予考三楊若胡舉在建文之朝且士奇以
處士徵胡廣以及第擢靖難師入原吉居斲縉方謫還自
小吏惟義列于六卿爾 太祖不為君用之刑在前矣士
有抗志山林卧病不出者誅僂其身家故有自斬趾免者
有斷措免者佯狂免者覺則未有不死也不則當若周是

脩矣孔子不云乎柴也其來由也其死若失 成祖以英
武臨之于上 仁宗父子危疑之間漢庶人斲髡而從其
後自非周詳慎密曷能保位而終所志乎易曰臣不密則
失君幾事不密則害成苟錯諸地而可藉之用茅慎之至
也蓋予觀楊士奇出迎稍緩夏原吉一語婉諫繫獄隨之
解縉廣詞直論其身之不免諸臣所處難以論浮沉矣難
以論浮沉矣

庚午封季境岳陽王季墀永安王

置遼東寧遠衛于寧池

國權 宣德五年



黜南京貪污郎中黃玘等十七人急事郎中陳懋等十四人
辛未 上親定都指揮使馬昇大寧趙榮山東都指揮同知
李貴崔忠毛翔俱山西李榮武興俱河南韓雍山東都指揮
僉事馬驥俞綱俱中都董興河南姜源向得大寧錢義趙榮
山西餘注地有差

夜大興光青白起天廟行至濁

二月癸酉免房山良鄉吏租

丁丑勅各都司按察司及巡按御史察各衛所官才否奏上
太子太保陽武侯薛祿為鎮朔大將軍總兵官恭順侯吳克

忠副總兵武進伯朱冕奉化伯滕定左右叅將率師巡邊


昏刻大星赤光出星宿行至濁有一小星隨之

戊寅右春坊大學士王英翰林院侍讀錢習禮主禮闈

夜大星赤光紫微東蕃起行至近濁

已卯宥武定侯郭珖有罪珖令家人奪南皮縣民田宅為巡
按御史白圭劾之宥珖治其家人并天津右衛指揮呂昇
行在光祿寺官竊減貢夷供給庖人訴焉下刑部獄 上顧
侍臣曰華元殺羊士羊斟不與遂致喪師飲食非細故也

庚辰萬壽節宴群臣為故事



癸未建行在禮部于大明門之外

丙戌罷遣工匠之老幼殘疾者

丁亥遣中官採取江西泰和縣寒水石恣虐 上聞而召之

令有司自納

都督僉事趙安等還自烏思藏

戊子罷採木軍人遣歸農

夜月犯南角

己丑行在工部左侍郎許廓巡撫河南并賜詩

庚寅行在工部尚書吳中兼行在吏部事時尚書郭璉疾

辛卯江西建昌知府吳致文卒致文浙江平陽縣人永樂中

進士出身授刑部主事出守江西九江改建昌愛民鋤弊以

賦重請折收布既沒民哀慕之

總兵官楊武侯薛祿值下鳳凰嶺斬百餘人俘男婦四十六


人進祿太保

壬辰減松江田租三十萬二千八百八十五石一斗諭舊額

官田不一自今年為始每畝舊納糧自一斗至四斗各減十

之二自四斗至石以上各減十之三著為令已杜宗垣上巡


撫周忱書曰 太祖稅天下田畝三升一合有三升五合者



獨蘇松賦重國初籍沒土豪田賦有為張氏義兵而籍入有
虐民得罪而籍入有司不體聖心將籍入田地一依祖額起
糧每畝四五斗七八斗至石以上民病自此而生按宋華亭
一縣紹熙時秋苗止十一萬二千三百餘石景定中賈似道
買民田以為公田益糧十五萬八千二百餘石宋末官民稅
民稅糧共四十二萬二千八百餘石量用負斛元初比宋尤
輕洪武以來稅糧共一百三十餘萬石租既太重民不能堪
于是今上憐民重困屢降德將天下官田額遞減三分二音
分外松江尚不一百二萬九千餘石往古以來未有若是

之重也民俗日耗錢糧拖欠自永樂十三年至十九年才免
不下數百萬石永樂二十年至宣德三年拖欠亦不下數百
萬由此觀之有重稅之名殊無重稅之實願閣下轉達皇上
稽古稅法斟酌取舍輕其重額使民如期輸納者或以前代
之法遠而難行則宋初兩浙之田均于王方贊元初天下之
于耶律楚材閣下之才之德賢于方贊楚材遠矣而為稅定
所當為夫何難哉

顏清曰宗桓均額之說懇切如此而文襄不行必有深意
蓋時方減稅復議均糧其勢有難行者且糧額既均無復



舊則而民間租例必重于官將來復有籍沒復照租起糧
則重而又重矣昔人論古額征稅當存其窠名不可併省
一沒其名後必有因而重徵者元延祐初江浙行省會十
八郡守臣欲際定田賦平江總管劉亂力爭以為地有肥
磽賦宜不齊一旦更始民病何以瘳乎文襄之意殆或出
于此也

罷採木軍人悉遣歸農

癸巳勅行在部院曰朕夜々圖治食念民飢衣念民寒今春
氣已知民瘼未舒懼非所以膺天祿 祖宗特頒寬恤之令


盡朕審思所至者水旱蝗蛙地速視其災以豁賦聞蠲免三
年以前芻薪之稅招饑徙民復業免役一年所毋責償倒死
官馬騾驢及虧欠孳生馬匹者停止採買顏料生漆諸物為
營造監採監買吏召還之俱物非土產毋徵：所產土除他
役起科官田一斗以上者減十之二四斗至石以上者減十
之三戶有二人役工匠者一人歸四人者二人歸一人者聽
合于他戶一歲二歲相更役年老殘疾悉放免之賍汚士之
極醜理官上罪必核毋辱人終身

瓦剌順寧王悅懽等貢馬

國權

宣德五年

十一



乙未 上奉皇太后率皇后如天壽山上橐鞬導騎步掖過
清河橋宿沙河

丙申謁長陵獻陵

丁酉 上侍兩宮謁長陵獻陵過陵旁農家 皇太后召問

老婦間進蔬食酒漿為嘗之

昏刺太白犯昴

己亥 皇太后召張輔養義楊士奇楊榮見行殿曰 皇帝

數言卿等贊輔多用心今太平無事皆卿等之力也賜酒饌

三月辛丑朔雨 上作 皇陵春雨詩示諸臣

癸卯 上閱馬行營

甲辰中官獲禽 上親割鮮上 皇太后畢頌文武大臣乃

自御

丙午清明節奉 皇太后祭陵賜從官苴粥


丁未 上獻大德頌于 皇太后

戊申 上省農昌平道中三推其耒耜農人皆呼萬歲賜鈔

六十遂徧賜道旁諸農家作賞春賦宿沙河

己酉還京

庚戌 上作紀農一篇述昌平道中語示大臣




安順侯薛貴卒貴舊名脫火赤順天昌平人從靖難果敢有
胆力歷中軍都督僉事封安順伯宣德初叙功進侯追封濱
國公謚忠勇予祭葬弟可帖木兒為燕山左衛指揮
辛亥陝西鞏昌等衛山東沿海等衛俱赴京操練苦遠調內
地官軍兌換

禮部左侍郎李琦等還自安國南黎利遣頭目陶公僕等貢
金銀器及方物奏言陳氏無後請以利權國事再還官吏軍
旗一萬六千餘人
夜大星赤光起天門行至雲中

壬子復宋琥駙馬都尉
癸丑昏刻大星赤光燭地
乙卯策貢士陳詒等百人于奉天門賜林震龔錡林文等進
士及第出身有差

丙辰免浙江平陽災糧三十二萬二百五十九萬有奇
平江伯陳瑄密奏楚王強富可疑請奪撤其三護衛不許
戊午廣恩伯劉才卒才安徽霍邱人元元帥來附百戶歷營
州中護衛指揮僉事從靖難封悃幅無華不苟且予祭葬
辛酉大理寺卿胡縻奏復熊姓



甲子行在中書舍人胡鵬求便養改 教授

丙寅進士胡敬丁寧國子監生李柰蕭清李雯蘇恒楊士敏
張清于奎為行在監察御史

乙榜貢士陳文昇乞依親還鄉校許之時例俱授教職或入
太學

太白星晝見

丁卯趙城知縣張秉杖殺一家人二人事聞命棄市

應城伯孫傑印馬鳳陽諸郡貪暴多受賂還朝下獄追入之
戊辰大理寺卿熊槩為南京都察院右都御史四川布政司

右叅政葉春為行在刑部右侍郎

析置浙江秀水嘉善桐鄉平湖等四縣大理卿熊槩言奏嘉
興海鹽崇德地廣事冗宜割縣分治遂命行在吏部員外郎

李亨析之

己巳選庶吉士薩奇遠端葉錫陳璣林補王振許南傑江湖
改庶吉士令右春坊右庶子兼翰林院侍讀學士王直教習


四月辛未朔癸酉昏刻月犯五車

平江伯陳瑄上餽運四事俱補各衛旗軍從之

乙亥法司上大辟十七人上閱牘止坐十人

國權 宣德五年

十四




丙子免浙江平陽去年災租

戊寅陽武侯薛祿等築獨石雲州赤城鷓鴣堡賜出車之詩
堡成移守遂棄開平即元上都也在宣府城東七百里金曰
桓州元中統初置開平府上都歲四月避暑于此八月回燕
金元宮殿故址猶存國初設開平衛設馬驛八東則涼亭沈
河賽峰黃崖四驛接大寧西則環州威下明安隰寧四驛接
獨石由遼東通大寧由大寧通泰開平由開平通獨石由獨
石通興和彼此有急左右旦夕可相接自大寧徙興和廢開
平孤下可犄角宣德中乃棄之下橫亘三百餘里而移衛

于獨石城獨石挺出山後下犯必經宣之北門胡騎充斥矣
尹畊曰五原在豐勝之外沙磧之間昔人猶且開渠營田
以規全利何龍岡之沃灤水之潤開平獨不可田耶又夫
開平則後輩雖空尚有宣府燭石之固失大寧則肩背全
弱宣遠隔絕矣故嘗為薛祿計曰開平可屯田可也不
可田則易置大寧也可

葉向高曰兀良哈之為中國患甚明也分闡建藩 高皇
之慮遠矣內徙于 文皇非得已也干戈初戢障塞尚虛
愛弟之請難裁征戍之勞在念權宜移置姑待後圖觀其





次鳴鑾鎮有滅殘，守大寧之諭彼何嘗遽割以資夷哉。犁廷甫定榆木變興雄謨莫究遺憾可知。章皇寬河之役威折奸萌假令乘勝長驅刈殘首復舊疆善繼善述又誰曰不宜願上有雄略之主下無謨遠之臣後并開平而失遂使要害藉于天羊而宣遠隔若胡越禦戎之策從此絀焉夫西河套而東大寧失之皆我害也然河套猶明知其奪于下而時圖恢復乃大寧藉口于文皇職方氏遂視若三衛之固有故實莫稽而傳說訛日甚可勝變哉。何喬遠曰葉夢熊曰永樂八年北伐至鳴鑾成語金幼孜

曰滅此殘，唯此開平興和大寧遼東寧夏甘肅則邊境永無事矣是棄大寧非成祖意後世謂借屬夷藩籬中國悞矣至宣德五年并開平失之其地三百里由是左右臂俱折而松門潢水險固在我夫不得祖宗之意而僅揣摩其影响以幸苟安此二百餘年之大悞也。

戊寅南京署刑侍郎成均往蘇松等處專理軍務部

已卯定中鹽例京倉雲南并益引米五斗宣府倉淮浙益米三斗五升山東福建益引二斗河間長蘆益引四斗四川廣東益引二斗山海衛倉同寧夏衛倉本衛所引米六斗陝西





山西引米麥四斗五升又獨石例淮浙鹽引二斗五升山東

河南廣東四川鹽俱一斗五升雲南井鹽引米三斗

昏刺月犯軒轅星

庚辰賑高唐等飢民 山東

癸未重脩玉牒告成進于上

起復左布政使李昌騏仍河南署行在刑部右侍郎按察副

使魏源為河南右布政使

甲申太子少傅工部尚書兼謹身殿大學士楊榮為少傅

夜大星光青白燭地出自雲中行至近濁

乙酉安南使人還勅諭黎利如前旨

己丑起復浙江左布政使王澤山西左布政使馬璘湖廣按

察副使金士悅仍故任

甲午易州蝗遣御史督捕

丙申陳灝嗣泰寧侯 陳鍾之子

丁酉議京師至獨石糧運立十一堡各屯千人同車六十日

可悉到武進伯朱冕總督

工部尚書兼詹事府詹事黃福上三事曰足食摘操軍十萬

人于濟寧以北衛輝真定以東沿河屯種淮浙長蘆官監籌

邊外其餘召商納米京倉兩廣福建稅糧折收絹布貯濟寧
歲增價收糴市穀曰足兵曰省役議行之召還京師

五月壬寅夜有大星赤光燭地起自軒轅星行至近濁

癸卯追奪各文武賍吏誥勅著為令

丙午始命巡按御史具薦廉能官前劾而不薦至是從御史

金濂等之言

戊申都督僉事陳敬為總兵官率眾備倭薊永山海等處

壬子內史常宗私盜官銅製鍍金器皿過于上供工人訐之

命治如律

癸丑夜月掩房宿

乙卯右春坊大學士兼翰林院侍讀侍講學士曾榮王英右

庶子兼侍讀學士王真並為少詹事兼如故右諭德兼侍讀

周述為左庶子侍讀李時勉錢習禮並為侍讀學士侍講蔣


驥陳循並為侍講學士閻從善為司經局洗馬脩撰劉永清

邢寬胡種為侍講蔣禮為左中允編脩周叙孫曰恭楊敬為

脩撰檢討王雅楊翥許彬周貴為編修五經博士陳繼為檢

討典籍張禮為行人孔目沈寅為司經局正字行在四川道

御史陳叔剛為脩撰儒士鄧循為侍詔諸王朱銓為侍書行



行在禮部郎中蔣暉吏部郎中程南雲加俸從四品兼翰林書吏部員外郎夏衡宣嗣宗為郎中主事張習王觀蘇鎰陳中為員外郎中書舍人蕭湘張益凌爵胡宜衡解禎期周崇厚王璜冠厚為大理寺左右評事以實錄勞翰林院侍講余學夔致仕

丙辰行在翰林院脩撰曾鶴齡為侍讀檢討連智胡讓待詔行在中書舍人朱祚皆為脩撰典籍牛麟李錫為檢討行在中書吳餘慶為右春坊右中允乃治中書舍人職事俱舍人任滿

進士嚴恭陳悌魏浚邵宏譽孫泓監生韓偉張玉為行在監察御史

復獲鹿知縣吳韞巢縣主簿范永皆任滿者民乞留增品俸夜月犯斗

丁巳復應城伯孫傑爵


癸亥行在禮部中况種知蘇州戶部郎中羅以禮知西安郎

兵部郎中趙豫知松江工部郎中莫愚知常州戶部員外郎邵曼知武昌刑部員外郎馬儀知杭州陳本深知吉安監察御史陳鼎知建昌何文淵知温州時郡守闕擢京官廉能者

國權

宣德五年

光



不以次俱賜勅乘傳勅曰察其休戚均其徭役興利除弊一

順民情毋徒玩愒毋事苟簡毋為權勢所劫毋為奸吏所欺

凡公差官負人等有違法害民者就提人解京

乙丑立臨安衛中石千戶所于梨花舊市柵而不城

置雲南廣邑州及東山口巡檢司 永昌副千戶阿干地

丁卯永康侯徐安行在工部右侍郎羅汝敬提督運木

夜大星青白光起自紫微垣東行至濁

戊辰豹房勇士奏與民析居 上曰彼在京十餘年獨無居

乎必利民舍嚙之耳錦衣衛報其居城中于是械勇士示警

昏刻大星青白光起軒轅行至游氣

六月庚午朔勅河南巡撫許廓蠲三年前逃民逋租

辛未誅宣府前衛指揮僉事王林以龍門關不嚴也

癸酉琉球中山王入貢

復陳璉南京通政使罷攝國子監時服滿來朝

夜大星青白光照地起自閣道行至文昌


己亥太子賓客兵部尚書張本署行在戶部尚書

免易州涿水復業逃民九百九十五戶逋租

置雲南孟緬長官司

國權 宣德五年

二十




戊寅遣太監鄭和等詔諭忽魯謨斯錫蘭山古里滿刺加柯
枝卜刺唯木骨都束喃渤刺蘇門答刺撒淄山阿魯甘巴里
阿丹祖法兒竹步加黑勒等二十國及舊港宣慰司
已卯永平衛興州左屯衛靜海縣俱蝗遣官往捕諭戶部臣
曰往年捕蝗之使聞不減鄉尚飭而後遣之曰作捕蝗詩以
示尚書郭敦

行在兵科給事中李本乞遣教官之數不許
壬午置萬全衛都指揮使司隸宣府等十六衛初後府統之
改雲南金齒軍民指揮使司于崖長官司隸雲南都司

甲申朝使還自西域言曲先衛都指揮散即思數劫使者梗
貢道命都督僉事史昭為副總兵趙安王或為左右叅將同
太監王安王瑾率兵征之

己酉行在戶部以實徵摠數編勘合發各官填繳按之
運絲棉布絹棉花及農器茶蓋于各邊依價收買陝西專叅
政陳瑛山西專叅政樊鎮口外專戶部郎中王良等
曉刻月犯十二國秦星
丙戌戒內臣等官舡私帶鹽貨

戊子召署湖廣都司事後軍都督同知鄭銘還京



設雲南騰衝州改騰衝守禦千戶所土官副千戶張銘請立
州從之改名土官知州

已丑令刑部主事一監察御史一監視南北各洪閘治水訟
辛卯都督僉事方政為副總兵官自開平獨石至長安嶺永
寧等處巡檄

覈各處倉糧濫者盡許折鈔從福建長汀教諭陳敬宗之言
癸巳免宣德以來逋欠桑穰

乙未鄭王瞻垓奏長史王倫典寶趙彞悔慢 上知倫直遂
併彞不問


左春坊左司諫郭濟為滕王紀善居數年改行人使諭安南
正統初出知鎮江年七十餘卒于官

朱睦㮮曰王公子清淪在鄭郭公濟民在滕皆以諫諍議
論斐然可述當是時諸王雖有恣心隱慝猶存畏憚而不
敢肆也其後子清由長史入為戶部侍郎澤民由紀善累
遷鎮江知府自此法勿行則傅相率老死王國不得齒于
有司而銓衡遂多以耄昏者置之故利祿之謀熾而諫諍
之風衰如此欲侯國勿奸于法難矣

戊戌太白晝見

國權

宣德五年



是月，再犯遼東

七月己亥朔夜大星赤光起天市垣行至房

甲辰誅鄜州妖人申敏，府軍前衛卒逃寧州假佛法惑眾

丙午夜大星赤光燭地起七公

丁未行在吏部文選郎中鄭誠為右侍郎兵部武選郎中吳

璽為行在戶部右侍郎翰林院侍講學士蔣驥為行在禮部

右侍郎行在兵部職方郎中柴車為右侍郎行在刑部負外

郎蔣勉為右侍郎刑科都給事中賈諒為行在右副都御史

兵科給事中徐初為行在大理寺卿廣西道監察御史吳訥

為南京右僉都御史

復會稽知縣陳暉以註誤當城旦邑人言其廉平 上原之

戊申四川茂州進瑞麥 太廟側產嘉禾止勿賀

南陽大雨水

昏刺月犯房星

庚戌昏刺月犯箕星

壬子命監察御史熊翼巡捕陝西京差之害民者蓋御史于


謙言之

癸丑賑直隸景州飢民

國權

宣德五年

三



甲寅賑安徽無為州飢民

丁巳邵武通判周任迪改開封署祥符事先宰祥符民思之
開山東臨清月河置關免官舟徵稅

庚申進士李在脩吳晟國子監生許義劉睿秦俊為南京監
察御史

復趙恂山西都司經歷吳祥嵩縣知縣朱宗才姚安府檢校
羅益和水西驛丞俱任滿吏民詣京乞留從之進品俸復任
辛酉松潘衛指揮吳瑋貪虐激變番人命棄市籍沒其家
太保陽武侯薛祿卒祿山東膠州人起卒伍佐靖難功封智


勇兼備每戰即克平居無事言邊事疊不置追封鄴國公
謚忠武予祭葬

壬戌行在戶部左侍郎王佐同內官李德巡視京師臨清淮
徐等倉員外郎楊貞內官梁谷監督

癸亥吏部別守令賢否
昏刺大星赤光起閣道行至內階

甲子免安慶民歲運鹽鈔赴北京
夜大星赤光起卷舌行至天節

乙丑行在禮部右侍郎蔣驥卒驥字良夫浙江錢塘人進士



授行人永樂初脩實錄改翰林院檢討洪熙初進左春坊左
司直郎上進翰林院侍講歷侍講學士卒予祭葬
夜大星青白光流雲中

是月徐碭山豐縣沛縣成安內黃等縣大雨水傷稼

州

八月己巳朔日食陰雨不見禮部尚書胡濙請賀不許

夜大星青白光起營室行至羽林軍

庚午遣都指揮康旺等往奴兒干都司撫卹軍民

丁丑昏刻大星光青白出羽林軍行至近濁

己卯廣東布政使右叅政吳紳為行在禮部右侍郎段珉為

南京吏部右侍郎按察副使成均為南京刑部右侍郎工部

尚書黃福調行在同尚書張本郭資議屯田

夜大星赤光出壘壁陣行至濁

庚辰昏刻大星光青白起須女行至游氣

辛巳遣御史二十三人照刷內外案牘

倭寇廣東海陽縣

癸未夜月食


甲申夜客星見南河東北尺餘色青黑

乙酉少保楊士奇老疾朝而後命鴻臚寺勿問

國權

宣德五年

五五



夜大星青白光燭地起天津有三小星隨之行至游氣
丙戌禮部右侍郎李琦為湖廣左布政使鴻臚寺卿徐永達
為湖廣按察使


戊子刑部尚書趙珣侍郎俞士吉先論囚囚貝福全詐死得
脫及它事為御史張楷劾命召之右都御史熊際兼理刑部
已丑夜月犯五車

庚寅行在吏部尚書郎中趙新刑部郎中劉澤華祭工部郎
中張琰禮部員外郎吳政等經理江北至畿南近河屯田已
兵部尚書張本以勞擢格之

薛應旂曰嘗因黃福之言而有慨于西北諸處積荒之地
不但可以屯田雜糧雖江南之秬稻亦可植也山東通濟
沁泗沂諸水河南鑿汝蔡恒息諸渠陝西會涇渭漆沮諸
流則西北之田皆秬稻矣柰何經畫疆理既無西門豹鄭
國之徒而築舍道旁之言又紛紛也于是軍國之賦盡仰
給于東南矣東南民力烏得而不竭哉

癸巳夜大星赤光燭地起梗河行至濁
丙申夜有大星赤光起自天困行至近濁

九月己亥朔免永平河間廣平開封去年水災田租



壬寅慶王璠入朝書止之

河南濬縣蝗傷稼免稷山前年夏稅

癸卯夜有大星光青白燭地起自五車行至近濁

甲辰昏刻大星赤光紫起紫微東蕃行至天棓

乙巳更定在外罪囚贖例

賑江西瑞昌縣饑民

夜大星光青白起北斗魁行至游氣

丙午行在吏部郎中趙新為右侍郎兵部郎中趙倫為戶部

右侍郎禮部員外郎吳政為右侍郎監察御史于謙為兵部

右侍郎刑部員外郎曹弘為刑部右侍郎越府長史周忱為

工部右侍郎皆總稅糧新江西倫浙江政湖廣謙河南山樞

西弘北畿山東忱南畿俱各賜勅仍行巡撫事非入籍所及

上朱睦㮮曰巡撫之設即成周以王朝卿出監之意也洪武

永樂之際或曰採訪或曰巡視事已即還京至宣德庚戌

乃置專職巡撫其遷轉亦以年資深淺計也

夜大星赤光出參旗行至濁


丁未重九節上喜歲登大宴文武群臣又特宴文武大臣

學士賜詩命屬和各賜鈔二十錠

國權

宣德五年

亥



四川天全六番招討司每二歲辦烏茶五萬斤易馬至是兼
辦芽茶二斤^十二百斤 上念民苦止貢芽茶
夜有大星赤光燭地起自女牀行至雲中炸散又大星光青
白出昴宿南行至雲中曉刻太白犯軒轅左星
戊申或獻歷代紀年圖 上曰唐亡不五十年天下五易主
生民之禍極矣周世宗英武進取之略制治之心足平天下
亦不永其年何也侍臣曰帝王之興自有天命非人謀所及
昏刻大星青白光出外屏西行至近濁月犯壘壁陣西星昧
爽大星赤光出北斗魁行至近濁

庚戌山東曹縣知縣范希正得民心以械奸吏入京反誣被
逮百姓訴其誣 上宥而復之

免山西汾州前年夏稅


辛亥免順天易州逃民一千二百二十九戶唐縣復業民一
千二百九十五戶田租

增江南崇明縣戍兵一千一百二十人

故監察御史嚴暄成遼東潛入京脅人財下法司棄市

壬子免濰縣復業民三千四百七戶田租除鉅鹿水災秋糧

甲寅北京國子監博士汪奉許子謨為翰林院檢討仍監事



國子監生楊瑛為南京刑科給事中楊信民張紀為行在工
科刑科給事中

增順天廣平府通判白亨俸從五品以秩滿耆民乞留之

乙卯 上巡近郊宿于西湖之東

夜大星光青白照地起自勾陳行入雲中有一小星隨之

戊午夜大星出參入雲中

己未 上還宮自近郊

壬戌成安侯郭晟建平伯高遠扈蹕先歸夜入德勝門宿私

第見勅下錦衣獄

夜大星青白光濁地起天苑行至濁

癸亥免順天冀州應州災租

乙丑駙馬都尉趙輝永康侯徐安印馬箠內

曉刻熒惑犯靈臺中星

丁卯罷江西饒州燒造磁器

十月己巳免江南金壇縣逋租一萬六千九百五十六石

克羅俄監粲襲董卜韓胡宣慰使


南葛次子其長子班丹也失為刺麻

庚午封磐炷新昌王

辛未江西餘干縣人張宇文詐稱龍虎山道士在外募緣奉

國權 宣德五年

元



密旨體訪兩廣雲南捕得械京伏誅

壬申山布政使叅議王雋巡沁水勒賄挾妓謫戍獨石衛

夜有流星大如碗青赤光燭天起自中台行至北斗魁炸散

癸酉琉球中山王入貢

定給田官所負糧稅立限追徵不滿者治如律從山西按察

使張政之言

曉刻熒惑犯上將

乙亥遼海衛指揮同知壽州皇甫斌禦下于密城之東峪力

戰死之子弼亦死三萬衛千戶汝州吳貴百戶泗州吳聚遼

海衛百戶德州毛觀皆從斌力戰死之所殺傷甚多亦

退命有司褒卹

丙子 上親閱邊發京師宿玉河戒成國公朱勇等扈軍無

縱擾民


昏刻月犯壘壁陣西星昧爽有大星如碗赤光燭地起自郎

將行至五諸侯

丁丑至龍虎臺召英國公張輔成國公朱勇尚書蹇義大學

士楊士奇楊士榮翰林學士金幼孜等至幄中論政酒之

戊寅度居庸關閱次岔道



夜流星赤光出狼星旁行至近濁

己卯獵岔道進鮮 皇太后遂命恭順侯吳克忠遂安伯陳

英武進伯朱冕太監劉順等燒荒

辛巳至懷來縣

壬午至雷家站賜學士楊士奇楊榮金幼孜楊溥果茗日詰

朝度雞鳴山非唐太宗征遼時之地乎眾臣曰然 上曰唐

太宗雖英武東征所喪之地亦復不少士奇等曰唐太宗嘗

後悔之故有憫忠閣 上曰此山在元順帝之時崩謂元亡

徵信乎曰元順帝自足亡雖山不崩亦何益 上是之

辛未至宣府之泥河總兵官都督譚廣入謁賜金織文綺衣

一襲鈔五千貫晚留蹇義楊士奇金幼孜及行在刑部吏部

都察院太常寺六科給事中于宣府楊溥楊榮胡濙吳中等

扈從


甲申至老撾站

乙酉至洗馬林

丙戌 上視師而整大悅勞諸將

丁亥獵 上視射有賜

戊子還次泥河



庚寅次懷來 夜大星青白光燭地出墳墓西行至濁炸散
辛卯次岔道 壬辰還京師

設遷日巡狩雖載在虞典徵于夏諺而古人清蹕不煩供
億今千騎萬乘羽衛如雲官罷于羈紲民困于餽糧偏州
劇邑望塵無地游豫之風邈矣 宣皇好獵宮僚屢忤及
正大寶閱邊謁陵動逾旬日一時諸臣咸順旨扈從蓋字
內清宴歲登民朴所以聞和鸞而彌快近垂裳而不忘也
甲午賑彭澤縣飢 夜大星青白光出北河行入雲中
夜大星青白光出土司空行至濁又大星赤光起奎至營室

乙未賑浙江於潛縣饑

丙申蓬星色白如粉絮見外屏南行經天倉天庾八日始滅

十一月己亥定寧夏納米贖罪例


廣西總兵官都督僉事山雲率兵討平潯州柳州平樂慶遠
等蠻寇共斬七千八百二十四級

曉刻熒惑犯左執法

庚子行在右副都御史賈諒行在錦衣衛指揮王裕叅議黃

翰同奉御張義興安巡視江西

免河南積年絲稅



夜大星赤光燭地起自參旗行至天苑

壬寅漢中多逋逃軍民前遣兵部郎中劉文勇招撫寄藉兵
共一千九百餘人

昏大星赤光自壘壁陣西行至濁又大星赤火自軫入雲中

癸卯 上聞沅陵虎勅總兵官都督蕭授遣捕因曰能使渡

河者何人也勅其守令脩政

太僕寺丞宋載劉璧等以馬政不脩命下錦衣獄


甲辰昏刻大星青白光燭地出自天囷行入雲中又有大星
出自昴至天囷又一大星出自閣道流至雲中

乙巳南京地震

戊申夜大星赤光出文昌入紫微垣又大星出天社行至濁
庚戌罷松花江造舟

曉刻大青星白光自星宿行至游氣

壬子楚王孟烷辭三護衛留其一許之命王自選其一而後
歸兩護衛于朝初平江伯陳瑄曾密奏湖廣東南大藩襟帶
湖湘控引蠻越交廣黔蜀之民會人民蕃庶商賈輻輳楚立
國三護衛自始封至今齒繁積充兵強國富魁于諸藩護衛
之官交姻連婭蘖梗延蔓小人行險或生其心惟 陛下借



乏餉名選其健銳使轉漕京師因而留之 上曰楚故無過
不可王懼故有是請于是武昌中護衛改為武昌護衛調左
護衛東昌右護衛徐州曰東昌衛徐州左衛

癸丑刑部尚書趙珣右侍郎俞士吉致仕

甲寅召山東按察使僉事韓璽及戶科給事中卜謙故宮僚
也河南招逃民十一萬五千六百餘戶復業免徭役一年

故開平衛指揮同知方敏子景請襲以敏赤城失事不許後
視此

乙卯江南蘇州知府况鍾械經歷傅得赴京言其貪害不法

命下臺獄治之

丙辰南京右僉都御史嚴升卒升字仲升四川繁昌人洪武

進士歷青神巫山縣有聲永樂初遷江西按察僉事坐

累謫順慶府同坐改吏部考功郎中六年廉勤著進大理寺


右少卿執法明慎遷今官同邵玘簡汰不肖雖居顯庸起居

無異寒士而風裁凝峻不可觸也

已未戶部右侍郎段珉改南京刑部右侍郎

給事中薛廣知懷慶許侃知廣西太平李本知梧州金文英

知柳州汪本知思州張謹知思南富敬知高州王瑩知肇慶



李頌知臨洮監察監御史李驥知河南李奇知雲南大理顧
瑛知臨安戶部郎中徐鑑知廣東瓊州李興知廣州刑部郎
中傅佐知山東濟南吏部員外郎蔡祥知陝西延安禮部員
外郎許敬知軒福建汀州光祿寺丞李郁知湖南長沙刑部
主事徐孔奇知浙江嚴州鄭珞知寧波大理寺正王昇知江
西撫州寺副知貴州鎮遠司務王恕知銅仁國子監學正陳
顏知惠州楊昭知太原皆一時之選賜勅給驛如况鍾例
庚申瓜哇入貢
賑浙江會稽餘姚縣飢捕金華府浦江縣盜


曉刻太白犯鍵閉
癸亥浙江左布政使黃澤奏温州處州銀冶永樂間歲辦八
萬七千八百金或礦脉盡絕累民賠課上命覈實罷之
乙丑曉刻熒惑犯進賢

十二月丁卯朔昏刻大星青赤光燭地自離宮行至右旗炸散
至夜大星如斗赤光燭天自畢行至濁
辛未昏刻月犯壘壁陣
乙亥夜南京地震

已卯大雪盈庭

國權 宣德五年

三五



庚辰行在兵部侍郎請朋合馬價官馬死十人共買補 上
以煩擾不許

上作喜雪詩宴示群臣群臣屬和語有警戒者錄而序之

壬午復李信順天尊化知州縣以秩滿耆民乞留增品俸

卜百餘騎掠開原都指揮佟荅刺哈值之適指揮吳禎傷馬

上責總兵官巫凱等

丙戌命兵部選京衛軍十萬人隸五府分訓練

丁亥勅副總兵都督方政及開平衛官撫恤新軍皆罪戍也

直登聞鼓給事中年富以重囚二十七人擊鼓訴冤徒煩瀆

不可省 上令錄進勿禁仍與辨驗

行在浙江道監察御史張駿有臨海人四年未鞠其家訴之

下駿獄允囚待理未結者悉錄以聞

昏刻合譽星見如彈丸黃白光又彗星見九旂旁五日始滅


巴丑夜北京地震


庚寅增行在光祿寺大官珍饈掌醢良醞署丞二監事各一

壬辰曉刻月犯星宿

癸巳總兵官都督僉事史昭等兵破曲先衛擒其黨荅：不

花及男女三百四十餘人馬駝牛羊三十二萬有奇還西寧





甲午北京國子監博士黃胤宗助教郭俊為翰林檢討仍監
事進士王以寧以吏部稽勲司主事授內府官監書

復周義為廣東高州通判賈麒乾州知州俱加正五品官祿
以任滿吏民乞留

乙未夜大星赤光自翼行至濁

閏十二月丁酉夜大星青白光自軫流庫樓曉刻辰星犯建星
戊戌羣臣表賀合譽星

昏刻大星赤光出雲中行至濁又大星出狼星旁入雲中曉
刻辰星犯建西星

庚子免順天開州逃民逋租

夜大星赤光出參旗行至濁

壬寅免魏縣浮山逃民田稅

南京監察御史李安言糧長加耗害人命戶部申禁之

癸卯行在戶部左侍郎李昶為尚書

甲辰夜大星赤光燭地自軒轅行至柳

乙巳撤馬罕免入貢

丙午昏刻月犯五車又大星赤光出文昌行至近濁

丁未 上御奉天門諭行在戶部曰惠民無實謂詔書何間

者郡縣數水旱民賦未充有司逼迫至于逋逃其許以鈔絹
布准民間直收之

庚戌議築浙江海鹽縣捍海石塘

丙辰保安王志垵請故陝西都指揮使陳懷宅居洛川縣主
上以懷尚有戚屬俟勘實果虛宅予之

夜大星光青白燭地起天廟行至濁

戊午夜北雲蒼白二道餘三丈又有大星如碗青白光出太
微西垣行至濁

己未夜大星赤光自奎行至游氣

庚申諭行在兵部曰民年七十以上及廢疾者一子待詔書
他諸衛所勾軍豈無父母老疾家獨子有司其覈而傳之近
地


松潘蠻屢掠捷為永川巴縣勅責總兵官陳懷


辛酉大星光青白自軫行至濁

壬戌許慶王梅還居寧夏仍往來韋州

甲子立張巡許遠協忠廟于歸德從歸德知州李志之請侑
雷萬春南霽雷雲賈賁姚閻

襄府左長史周益簡卒益簡江西吉水人永樂甲申進士第





三授翰林院編修 仁宗擢詹事府詹事改襄府年五十
乙丑夜大星如碗青白光出文昌行至濁

[Faint bleed-through text from the reverse side of the page, including characters like '星', '光', '出', '文昌', '行', '至', '濁']

國權

鹽官設遷孺木著

宣德六年辛亥

正月丁卯罷湖廣採木

戊辰夜大星青白光燭地起玉井二小星隨之行至天困又
大星出天市行至濁

庚午夜大星赤光出天槍行至濁

癸酉行在兵部尚書兼太子賓客張本卒本字致中東阿人

洪武中監生知江都縣降 文皇帝擢守揚州事平拜江西

國權

宣德六年

一

右叅政亡何進工部左侍郎坐累謫交趾 仁皇帝召拜刑
部右侍郎議獄得情及即位拜本兵振舉積廢 上令兼戶
部精心興草尚刻少恕其餘高煦餘黨雖脅從不免也年六
十五予祭葬復其家

袁袞曰張本雖無赫赫名然歷四曹孜孜奉公死之日家
無餘藏亦可以觀其守矣

丁丑 上南郊

戊寅昏刻大星赤光起閣道一小星隨之行至奎

巳卯行在禮部尚書胡濙兼行在戶部事

庚辰福建都司遣鎮撫董禎捕浙江麗水青田等縣盜恣掠
命罪之

壬午工部左侍郎許廓為行在兵部尚書


甲申南京右僉都御史李敏卒河南儀封人監生庸懦自屈

乙酉賑四川萬縣飢民

戊子夜大星赤光出文昌入雲中又大星自軫二小星隨之
行至庫樓炸散

巳丑宥大寧福餘朵顏三衛剽竊之罪勅諭之

戶部給西北二下布五萬售馬直



夜月犯南斗

庚寅免安邑復業民三千七十一戶元年二年稅糧一萬七千石有奇


勅鎮守西寧都督僉事史昭宥曲先衛人罪并招罕東令喻板納頭目

二月丙申朔上聞阿魯台擊瓦剌脫懽而敗勅總兵官武安侯鄭安備之

上作招隱詩示大臣天之生賢道蘊厥身幼學壯行致君澤民伊尹孔孟皆古君子孜孜行道未嘗忘世秦漢之衰以退

為賢絕類離群倫豈弗違天嗟哉若人于世奚補區區百年草木同腐予嗣祖宗統臨萬邦求賢圖治宵旰皇極群才偕來布列在位道行身尊百世之貴緬彼山林豈無遐遁往而復來悠悠我思漱石枕流遠引高蹈雖佚其身而悖于道卷舒之時梧桐飛凰爾其幡然予將爾揚

丁酉行人司副軒輓行人張聰判官傅誠知縣劉謙戴謙縣丞李寶教諭陳顥訓導倪傑監生張仲華姜永張斐為行在監察御史進士吳桐生張祺黃文政吳名監生鄭嘉朱鐸曹斌為南京監察御史



行在工部右侍郎羅汝敬往陝西經理屯田時陝西叅政陳瑛言寧夏甘肅腴土皆鎮守官及各衛豪隱占屯卒耕其瘠遂命汝敬同瑛往

直隸廣昌守禦千戶所隸萬全都司

分山東河南民戶養馬五千丁養牝馬一三丁養牡馬一

已亥改蘇松常鎮嘉湖治農通判縣丞曰催糧官其正官仍

督農務從蘇州知府况鍾之言

賞征曲先功

浚金龍口引河水達江南徐州利濟從御史白圭之言

壬寅行在錦衣衛指揮使張信為四川都指揮僉事

滿刺加使臣訴國王欲入朝阻于暹羅乞諭之命太監鄭和

勅諭暹羅

行在禮科給事中姜士儀為蜀王左長史

許進表官得宿駙舍乘駙馬蓋監察御史胡智言之

舊止乘驢

癸卯昏刻月犯五諸侯星

甲辰萬壽節朝賀明日召蹇義楊士奇楊榮胡濙賜詩特宴


丙午昏刻月掩軒轅大星

己酉停緣邊緣海舍人赴京操練

國權

宣德六年

四



山西旱災徵回催糧官叅議王綱劉登鄭冕等止遣侍郎于

謙主事翟善叅政樊鎮

庚戌命都督貴州蕭授山雲招諭安隆長官司頭目

辛亥夜大星出虛行至濁

壬子昏刻西方蒼白雲南北竟天

癸丑昏刻大星赤光出北斗魁行入軫

乙卯夜大星青白光起天津東行至濁

戊午行在戶部遣官巡視民瘼

己未國子監助教張山觀加翰林院檢討行在工部主事魏

本高應為順天應天府治中訓導薛謙王永和朱純進士耿

九疇監生張振王憚章良民陳常鄭以誠等為給事中以誠

南京

增扶風知縣宋端祿從六品以秩滿民留之

免鞏嵩永寧登封流民逋租

庚申巡撫侍郎趙新上五事曰儀真設堤曰置提學官曰提

問貪官曰開豁通鈔曰詢察軍屯上悉從之

辛酉免山東臨清等處舍店課鈔

癸亥前監察御史趙儼清戎河南杖斃九人逮獄論死同官

國權

宣德六年

五

